

Aatsitassanut Ikummatissanullu Pisortaqarfik  
Postboks 930  
3900 Nuuk

Nuuk, ulloq 07.03.2012  
Journalnr.: 8009  
Brevnr.: SIK0074-12  
Ref.: JGB/vq

E-mail: [bmp@nanog.gl](mailto:bmp@nanog.gl)

**London Mining Greenland A/S-ip misissuinissamut akuersissutaata 2009/16 (Isua) ataani 2012-imi suliassat akuerineqarnissaannut qinnuteqaat pillugu tamanut tusarniaanermut SIK-p oqaaseqaatai.**

Aatsitassanut Ikummatissanullu Pisortaqarfik 12. Januar 2012 tamanut tusarniaanermi allakkanik nassiussivoq London Mining Greenland A/S-ip misissuinissamut akuersissutaata 2009/16 (Isua) ataani 2012-imi suliassat akuerineqarnissaanut qinnuteqaammut tunngasunik.

SIK 2012-imi suliassat akuerineqarnissaannik qinnuteqaammut ima oqaaseqaateqarpoq:

SIK paasivaa, qinnuteqaammi killilimmik nunap sananeqaataanik missussuutit assamik paarineqarsinnaasut atorlugit misissuisoeqassassoq, aammalu qillerineq, qaartiterineq aammalu sanaartukkanik ataavartussanik pilersitsineq ingerlanneqarsinnaasooq aatsaat immikkut qinnuteqaammik nassiussimagaanni aammalu oqartussanit akuerineqarsimagaanni.

SIK-p allakkia 'Evaluation of Environmental and Socio-economic Impacts for the construction of 3 camps and associated works 6. Januar 2012-imeersoq' aamma 'Installation of three field camps and associated facilities under the Exploration License for the coming season 2012 6. januar 2012-meersoq' kiisalu oqaaseqaatit Nationalt Center for Miljø og Energi 3. Januar 2012-meersut misissorsimavai.

SIK-p paasivaa tammaarfinni pingasunik pilersitsisoqassasoq, nunami angallatinik motorilinnik ingerlasoqassasoq, aqquuserngiortoqassasoq aammalu ikaartarfiliortoqassasoq. Tamatuma saniatigut aamma SIK-p paasivaa sulariniakkat siunertarigaat tekniskimik, pinngortitalerinnikkut aammalu nunap pissarititaanik misissuiffissami misissuisoqassasoq, aammaalu akuersissummik annertusinninneq taakkuninnga suliassanik imaqartoq.

Qinnuteqaammut akuersinissamut tunngatillugu, SIK isumaqarpoq tusarniaanerup aammalu suliniutip aallartinnissaata akornanni piffissaq sivikippallaartoq, taamaammalu qinnuteqaammut itinerusumik oqaaseqaateqarsinnaaneq taamaasilluni periarfissakillineqartoq. Tamatuma kinguneraa inuiaqatigiit isiginnaaginnartussanngorlugit inissitaanerat, uffalu akuersissummik pillip atortussaatinani sanaartoriaannanngorlugit piareersimatikkai. Sulariniakkat aallartinnissaanut piffissaq aamma tusarniaanermi piffissarititaasoq imminnut tulluannngillat taamaammallu iliuuseq taanna innuttaasunik sullissinermut tulluuntuunani.

'Evaluation of Environmental and Socio-economic Impacts for the construction of 3 camps and associated works' eqqaaneqarpoq sanaartornermi inuit 2.000-it missaat atorfissaqartinneqarumaartut, aammalu suliniummot 12 mia. kr.-inik aningaasaliisoqassasoq. Tamatuma saniatigut aamma alaqqavoq, akilersinnaassutsimik misissuinerup inernerinik, VVM-imik aamma VSB-mik kingusinnerusukkut

nassiussisoqassasoq. Taamaammatt SIK-p qilanaarpoq sulisartut atugaannut sunniuteqaqataalernissaminut.

SIK nunap aqqinut tunngatillugu isumaqarpoq, sumiiffiit aqqi allattaasitoqaaq atorlugu allaqqammata, allattaasitaaq atorlugu Namminersorlutik Oqartussat allattassasut. Assersuutigalugu Qugssuk ima allanneqassaaq Qussuk, Kugssua ima allanneqassaaq Kuussua aammalu Taseraarssuk Taseraarsuk-mik allanneqassalluni. Paatsooqqasoqalernissaanut qaninnerusarpoq K aamma Q nunat aqqini atorneqaraangata. Kisiannili tamanna ajornatorsiut Aatsitassanut Ikummatissanullu Pisorta qarfirmut taamaamaallat attuumassuteqanngilaq, Namminersorlutilli Oqartussanut tamarmut.

Sulisussanut tunngatillugu SIK-p nalunaarsorpaa taakkunani tammaarfinni pingasuni inunnut 80-inut inissaqassasoq, kisiannili takussutissami allaqqalluni sulisussat amerlanerpaaffimminni 60-iussasut. Tamaammatt SIK-p paaserusuppaa sooq pisariaqartinneqartumit inissat amerlanerussanersut. Tammaarfiit kingusinnerusukkut siunertanut allanut atorniarneqarpat?

Suliariumallugit qinnutigineqartunut tunngatillugu inuiaqatigiit aningaasaqarnerannut nalilersuinnermi eqqartorneqartut ilagaat sulisartut pisinnaasaat. Taamaammatt SIK-p paaserusuppaa qanorpiaq sulisussanut tunngatillugu misissuisoqarsimaneroq, aammalu misissuinerit inernerit misissuataarneqarsinnaanngorlugit oqaaseqarfigineqarsinnaanngorlugillu saqqummiunneqassanersut?

Tuttunut tunngatillugu allaqqasoqarpoq suliariniakkat tuttunut annikitsuinnarmik sunniuteqassasut, kisiannili DCE-p allakkiaani allaqqalluni inuit nunami tassaniinnerat annertuumik uumasunik, annertunermillu tuttunik, ajoqusersuissasoq. Taakku paasissutissiinerit marluk ersarilluinnartumik assigiissuteqanngillat.

Suliniutip sunniutipilui nassuiarneqartut annertunerusumik aalisarnermut, piniarnermut, takornariaqarnermut aammalu inuit sunngiffimminni nunamik atuisarnerannut tunnganerupput. Taamaattumik SIK Naalakkersuisunut apererusuppoq eqqarsaatigineqarsimanersoq sumiiffimmi atuinermut akitsuusiisoqassanersoq, aatsitassanut ikummatissanullu inatsimmi § 17, stk. 1 malillugu, taamaasillutik aalisartut, piniartut sunngiffimminilu piniartut aalisartarfimminnik, piniartarfimminnik aammalu sunngiffimminni najortakkaminnik annaasaqarnerminni taarsiiffigineqarniassammata?

Assartuinermut tunngatillugu SIK-p paaserusuppaa assartuineri suliaqartussanik toqqaasoqareersimanersoq, London Mining Greenland A/S-imut misissuinissamik akuersissummik tunniusseqataasunik?

DCE allakkiamini 3. januar 2012-meersumi allappoq, atorfilittap avatangiisinut tunngasunik suliaqartussap suliassai akisussaaffiilu ersarissunik sukumiisunillu aaliangersarneqarnissaat nassuiarneqarnissaallu. SIK siunnersuut ilalerpaa, aammalu Aatsitassanut Ikummatissanullu Pisorta qarfirmik kaammattorusullugu atorfilittap avatangiisinut tunngasunik suliaqartussap akisussaaffissaasa aaliangersarneqarneranni malinnaaqqissaaqqullugu. Aammalu siusinnerusukkut eqqaaneqareersutut SIK tunngaviusumik isumaqarpoq avatangiisinik nakkutillineq aamma aatsitassanut ikummatissanullu oqartussaassuseqarneq ataatsikkut pigineqarsinnaanngitsut, tamannalu tunngavigalugu inassutigeqqissavarput avatangiisinut oqartussaasuseq Aatsitassanut Ikummatissanullu Pisorta qarfirmiit isumagineqartarunnaassasut.

'Installation of Three Field Camps and Associated Facilities Under Exploration Licence for the Coming Season 2012'-imut tunngatillugu SIK isumaqarpoq suliariniakkanut piffissarititaaq tusarniaanermut akuersissuteqarnissamullu qanippallaartut.

Taamatut oqaaseqarnikkut SIK-p erseqqissarusuppaa London Mining Greenland A/S-ip misissuinissamut akuersissutaata nr. 2009/16-ip annertusineqarnissaanik qinnuteqaatip akuerineqarnissaanut paasinnilluni, uani tusarniaanermut akissummi taaneqartut naammassineqareerpata.

Inussiarnersumik Inuulluaqqusillunga

Jess G. Berthelsen  
Kattuffimmi siulittaasoq